

16. november 2023

UKA2023/7

Ilanngussaq H



Allakkiaq Notat

Allakkap ullua: 06-11-2023
Suliap normua: 2023 - 25847
Allakkap normua 23571543

2024-mut aningaasanut inatsisissap aappassaaneerseqarnissaanut aningaasaqarnermut akileraartarnermullu ataatsimiititaliap isumaliutissiissutaanit apeqqutit akineqarneri

P. O. Box 1037
3900 Nuuk
Oqa. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aningaasanut inatsisissap aappassaaneerseqarnissaanut akileraartarnermullu ataatsimiititaliap isumaliutissiissutaanit apeqqutinut oqaaseqaatinullu ilisimatitsissut manna akissutaavoq.

Ilisimatitsissutip pitsaassusaa naalakkersuisoqarfinit akisussaasunit taakkulu ataanni immikkoortunit naleqquttuniit ilanngussinerit kingorna Aningaasaqarnermut Akileraartarnermullu Naalakkersuisoqarfimmit qulakkeerseqarnikuuvoq.

Sammissaq 1-imut apeqqutit - Teknikikkut allannguutit

Allannguutissatut siunnersuut nr. 3 aamma 4 kontomut pingaarnermut, 30.10.48 Isumaginninnikkut peqqissutsikkullu pinaveersaartitsineq, aamma kontomut pingaarnermut, 30.13.41-mut tunngasoq.

Apeqqut:

Kontonut pingaarnernut taakkununga aningaasat naammattut immikkoortinneqarsimanersut ataatsimiititaliamit apeqquserneqarpoq. Kontonut pingaarnernut taaneqartunut aningaasaliissuteqarnerunissaq pillugu allannguutissatut siunnersuutinik Naalakkersuisut saqqummiussilersaarpat?

Akissut:

Konto 30.13.41 Innarluutilinnut angerlarsimaffinnut tunngasumi kommunit taakkuupput inunnut innarluutilinnut ulloq unnuarlu neqeroorutinut 100 %-imik aningaasalersuisut. Ingerlatsineri suliaassanik Naalakkersuisut isumaginnippat. Akigititanik akileeqqusisarnikkut kontomi tassani aningaasaliinerit kommuninit akilerneqartarput. 2024-mut aningaasanut inatsisissamut siunnersuutip aappassaaneerseqarnissaanut kisitsisit allanngortinneqarput, tassa akigititat pillugit Namminersorlutik Oqartussat kommunillu akornanni isumaqatigiinniarnert aatsaat oktobarip aallartinnerani naammassineqarmata.

Konto 30.13.41 pillugu inatsisissatut siunnersuutip aappassaaneerseqarnissaanut allannguutissatut siunnersuummut tunngasut ingerlatat pillugit tabelimi allattuineri

ataasiakkaanik kukkuneqarsimavoq. Tamanna inatsisissatut siunnersuutip pingajussaaneerneqarnissaanut iluarsineqassaaq.

Konto 30.13 48-mut tunngatillugu sapinngisamik eqqornerpaamik missingersuusiornissamik siunertaqartumik ingerlatat akornanni imarisaatigut missingersuummullu sunniuteqanngitsumik allatut agguaaneq pineqarpoq. Taamaattorli imminut toquttarnerup pitsaaliornissaanut aningaasat naammattut immikkoortinneqarsimanngillat. Kontomi pingaarnermi 30.13.48-mi Imminut toquttarnerup pitsaaliornissaanut ingerlatanut ukiumut 2,8 mio. kr.-nik aningaasaleeqqinnerunissaq pillugu allannguutissatut siunnersuummik Naalakkersuisut saqqummiussilersaarput, tassa 20.11.70-imi periusissianut immikkoortitanut aningaasat 2,8 mio. kr.-nik ikilineqassammata. Taamaaliortoqassaaq Qamani periusissiap atulersinnissaanut aningaasaliissutit qulakkeerniarlugit.

Samisaq 2-mut apeqqutit - Missingersuutininut sunniuteqanngitsut allannguutit:

Apeqquut 1:

"Allannguutissatut siunnersuutit nr. 8: Konto pingaarneq 20.11.70 Suliniutinut nutaanut sillimmatit Allannguutissatut siunnersuutip nr. 8-p ataani Naalakkersuisut siunnersuutigaaat kontomit pingaarnermit 20.11.70-imit, Sillimmatinut nutaanut tunngasumit, 10 mio. kr.-t utertitseriaatsimut atugassatut peerneqassasut. Kontonut pingaarnermut allanut allannguutissatut siunnersuuteqarfiusunut aammalu utertitseriaatsimik taasaqarfiusunut tunngatillugu aningaasat taaneqartut imminnut assortuutinniginersut paasissutissiisutigin eqassasoq ataatsimiititaliamit kissaatigineqarpoq."

Akissut:

Taakku 10 mio. koruunit kontomut pingaarnermut allamut 73.01.12 Puiaasanik utertitsisarnermik aaqqissuussinermit nuunneqarusupput. Taakku 10 mio. kr.-t atornerarneri qupperneq 10-mi apeqqut 2-mut oqaasertaliussanut attuumassuteqartup apeqqutip akissutiginerani erseqqinnerusumik allaaserineqarput.

Apeqquut 2:

"Allannguutissatut siunnersuut nr. 12 aamma nr. 13: Konto pingaarneq 34.14.01 Nunatsinni Nakorsaaneqarfik, Konto pingaarneq 34.11.08 Atornerluisunik katsorsaanermit pilersaarut: Aningaasat immikkoortinneqartut piffissamut 2024-mi 1. januarimit 30. septemberimut taa-maallaat atuuttut ataatsimiititaliamit naatsorsuutigineqarpoq. Taamaattumillu piffissaq 1. Oktoberimit 31. decemberimut ingerlasoq ukiumut matumunnga aningaasanut inatsimmit atuuttumit matussuserneqartoq ataatsimiititaliamit naatsorsuutigineqarpoq. Kiisalu aningaasaliissutit 660.000 kr.-t aammalu kisitsisip 666.000-p oqaasertani taaneqartup akornanni assigiinngissut naqinnerluinermit pissuteqartoq ataatsimiititaliamit naatsorsuutigineqarpoq. Allannguutissatut siunnersuummut nr. 12-imut 34.11.08-mut, Atornerluisunik katsorsaanissamut pilersaarummut tunngasumut, tamanna aamma atuuttoq ataatsimiititaliamit ilimagineqarpoq."

Akissut:

Allaffissornikkut atorfik pineqarpoq, sulianilu kinguaattoortoqarsimammat atorfik Peqqissutsimut Naalakkersuisoqarfimmi piffissami 1. oktober - 31. december 2023-mi pilersinneqarluni. Kontomi pingaarnermi 34.01.01 Peqqissutsimut Naalakkersuisoqarfimmi aningaasatigut matussutissaqarpoq, tassa kontomi pingaarnermi aningaasat naammattut atornerarsinnaalerlutik ukioq manna atorfiit inuttalerneqarsimangimmata.

Kontoni marlunni oqaasertani ajoraluartumik annikitsumik allannermi kukkusoqarsimavoq. Aningaasat eqqortut tassaapput tabelimi allanneqarsimasut 660.000 kr.-t, oqaasertaanilu 666.000 t.kr.-unatik.

Apeqquut 3:

"Allannguutissatut siunnersuut nr. 20: Konto pingaarneq 67.01.14 Qaqqat sisoorneri: Suliassanut missingersuutininut ilanngusaaq naapertorlugu ingerlanneqartussanut

naalagaaffik
aningsaanik tapeeqataava?"

Akissut:

Maannakkut kontomut pingaarnermut 67.01.14 Qaqqat sisoornerinut aningsaanik naalagaaffik tapiisimangilaq.

Naalagaaffimmit aamma Namminersorlutik Oqartussanit akilerneqartumik GEUS-imit suliarineqartumik ilungersunartumik qaqqat sisoorneranik ataatsimoortumik misissuinerup naammassinerani 2022-mi naalagaaffiup tapiinera naammassineqarpoq. Ulloq 17. juni 2017-imi Karrat kangerluani pinngortitami ajunaarnersuaq tunualiaqutaralugu misissuisoqarpoq, aningaasaliinerlu kontomi pingaarnermi 67.01.08-mi inissinneqarluni.

Apeqqu 4:

"Allannguutissatut siunnersuut nr. 21: Konto pingaarneq 67.01.15 Carbon Capture Storage:

Konto pingaarneq nutaajusoq ataatsimiititaliamit paasineqarpoq. Paasissutissap tamatumamissingersuutinut ilanngussami allassimanginnera ataatsimiititaliamit eqqumaffigeqquneqassaaq. Tamanna allannguutissatut siunnersuuteqarnikkut iluarsineqassasoq ataatsimiititaliamit naatsorsuutigineqarpoq."

Akissut:

Konto pingaarneq 67.01.15 Carbon Capture Storage nutaajungilaq. Konto pingaarneq AI 23-mi 950.000 kr.-nik aningaasaliiffigineqartutut allanneqarpoq.

Siullermeerinermut atafillugu kontomut pingaarnermut aningsaanik immikkoortitsisoqarsimangilaq, kingornatigulli nammineq sinaakkusiussat iluanni aningaasat allatut inissinnissaat siunnersuutigineqarsimalluni taamaalilluni Carbon Capture Storage pillugu suliniummumut aningsaanik kingumut immikkoortitsisoqarsinnaalluni.

Apeqqu 5:

"Allannguutissatut siunnersuut nr. 22: Konto pingaarneq 73.01.12 Puiaasanik utertitseriaaseq:

Konto pingaarnarit, utertitseriaaseq pillugu allannguutissatut siunnersuutinik saqqummiussivigineqartut, pillugit skemanngorlugu takussutissiaq taakkunanilu kisitsisit paasissutissiissutigineqartut iluarsisat ataatsimiititaliamit kissaatigineqarput. Kiisalu puukut qillertuusat qanoq annertutigisumik isertitsissutigineqassanersut paasissutissiissutigineqassasoq ataatsimiititaliamit kissaatigineqarpoq? Matuma kinguliani allassimasut Naalakkersuinit qanoq isertitaqarfiusussatut naatsorsuutigineqarpat:

- Utertitseriaatsip ingerlanneqarnerani aningaasartuutinut matussutissaq 60 øre
- Inuussutisarsiorlut isumaginninnerannut ajunngitsorsiasat 10-30 øre"

Akissut:

Ataatsimut skemakkut takussutissiineq

Puiaasanik utertitsisarnermik aqqissuussinermut nutaamut il.il. aningaasaliissutit pillugit ataatsimoortumik skemakkut takussutissiamut qupperneq 10-mi apeqqut 2, oqaasertaliussanut tunngasuni apeqqummut akissummut innersuussisoqarpoq. Tamatuma saniatigut ilanngussaq 1-imi takussutissiamik ilanngunneqartumut innersuussisoqarpoq, aningaasanut inatsit pillugu isumaqatigiinniarnernut Naalakkersuisunit suliarineqarsimasumut.

Poortuutissanut akitsuut qanoq pissarsiaqaataassava

Aningaasaqarnermut Akileraartarnermullu Naalakkersuisoqarfik naliliivoq qillertuusat puiaasallu il.il. poortuutissanut akitsuutip allanngortinnera iluanaaruteqarnerunikkut 85 mio. kr.-t missaannik isertitsissutaassasoq, tak. tabel 1 Naliliinermut tunngavigineqarpoq maannakkut atuineq ulloq 1. januar 2024-miit atuutilersussat akitsuutini akigititassanut naleqqiunneqarluni. Tassunga ilanngutissaaq puiaasanik utertitsisarnermik aqqissuussinermi nutaami puiaasat anginerusut atorneqarnissaannut ammaassisoqarnera, tamannalu immikkoortut amerlassusaasa 3 mio. kr.-t missaannik ikilinnisaat ilimagineqarluni. Aammattaaq Nuuk Imeq siusinnerusukkut sodavandinut imigassanullu akitsuutikkut atorunnaartussamik akikillisaaffigineqarsimalluni taamaalillunilu Nunatta Karsianut isertitsissutaassallutik. Naggasiullugu Nunatta Karsianut iluanaaruteqarnerunissaq pillugu ilimagisaqarneq pissutigalugu siumoortumik 2023-mut aningaasanut inatsisikkut 20 mio. kr.-nik isertitaqarnissaq ilanngunneqarsimavoq. Eqqortumik isigissagaanni iluanaaruteqarnerunissamik ilimagisaqarneq taamaalilluni 105 mio. kr.-uvoq, kisiannili taakkunannga 20 mio. kr.-t iliuuseqarfigineqareersimmata tamanna kisitsinermut assersuummi ataaniittumi ilanngaatigineqarsimalluni, tak. tabel 1.

Tabel 1: Poortuutissanut akitsuutip Nunatta Karsianut iluanaarutitigut sunniuteqarnissaanik missiliuineq

Poortuutissanut akitsuutit	Amerlassutsit (imm.)	Iluanaaruteqarneruneq (1000 kr.)
25 cl. sodavandit (ataatsimut 2 kr.)	1.594.000	3.188,0
50 cl. sodavandit (ataatsimut 3,5 kr.)	12.647.000	44.264,5
33 cl. katillugit (ataatsimut 3,5 kr.)	13.731.000	48.058,5
Puiaasat anginerunissaannut periarfissap malitsigisaanik immikkoortut amerlassusiisa ikilineri (ataatsimut 3,5 kr.)	-3.000.000	-10.500,0
Siusinnerusukkut Nuuk Imermut immiaaqqanut sodavandinullu akitsuummiit akikilliliineq		20.488,0
2024-mut Aningaasanut inatsimmi isertitassat iliuuseqarfigineqareersut		-20.000,0
Iluanaaruteqarneruneq		85.000,0

Isertitassat naatsorsuutigisat

Naalackersuisut naatsorsuutigaat taakku 60 ørit ataatsimut isertitatigut 24 mio. koruuninik kinguneqarumaartut. 2024-miit poortuutissanit immikkoortut 40 mio.-it missaasa naatsorsuutigineranik tamanna tungaveqarpoq, tabel 1-mi eqqaaneqartut immikkoortut taaneqartut saniatigut, aamma juicenuit puiaasat, imeruusaatit qiimmassaattallit il.il. ilanngullugit. 24 mio. koruunit ilai 8 mio. koruunit missaat passussinermi ajunngitsorsiasat aqutugalugit niuertarfinnut utertinneqarnissaat naatsorsuutigineqarpoq. Tamanna isumaqarpoq ukiumut 16 mio. koruunit missaannik ingerlatsinermi aningaasartuuteqarnissaq naatsorsuutigineqartoq. Naalackersuisut naatsorsuutigaat taakku 60 ørit puiaasanik utertitsisarnermik aaqjissuussinerup ingerlanneqarneranut aningaasartuutitut matussutaasinnaasut. Taakku 60 ørit puiaasat imaqqanngitsut nunaqarfinniit illoqarfinnut assartornerinut kiisalu atoqqinneqarnissai siunertaralugu tuneqqinneqarnerinut, utertitsisarnermik aaqjissuussinerup nutaap ingerlanneqarneranut, niuertarfiit poortuutissanik titarnertigut ilisarnaatinik nalunaaruteqartarlutik, puiaasanik utertitsisarnermik aaqjissuussinermut nutaamut atatillugu nalinginnaasumik aqutsinermut aamma inuussutissarsiuteqartunut passussinermi ajunngitsorsiasanut matussutaassapput. 60 ørini taakkunani siunertaq tassaavoq utertitsinermik aaqjissuussinerup qulakkeerneqarnissaa, nammineq aningaasaqarnikkut imminut ingerlatissasoq, annertoorujussuarmik sinneqartoornermik kinguneqartussaangitsaq. Aningaasat qaffasippallaamik inissinneqarsimasut paasineqarpat tamanna iluarsineqarumaarpoq.

Inuussutissarsiuteqartunut passussinermi ajunngitsorsiasat 10-30 ørit tassaapput poortuutissanik imaqqanngitsunik passussisunut aamma poortuutissanik imaqqanngitsunik passussinerinut ajunngitsorsiaqarnissaasa qulakkeerneqarnissaanut atorneqartussat. Aallartisarnernup nalaani, pisiniarfiit ilai utertitsinermi maskiinanik nutaanik aningaasaliinissamut toqqaasut, 10 ørit poortuutissanik passussinermut taakku aningaasartuutaannut tamanut naammassagunangillat, siunissamili naatsorsuutigineqarluni poortuutissat imaqqanngitsut passunnerinut atatillugu pisiniarfiit ataasiakkaat aningaasartuutigisaannut matussutaasinnaassasut. Aningaasat poortuutissanik eqqussinermi akilernerqartartut allaffissornermut akiliutini 60 ørineersuupput. Poortuutissanik eqqussuisut pinngitsooratik aamma taakkuunngillat poortussap imaarunnerani poortuutissamik passussisussat. Passussinermi ajunngitsorsiasat taamaattumik poortuutissanik imaqqanngitsunik passussisut aamma suliaqarnerminnut ajunngitsorsiasaqarnissaannut qulakkeerinissapput.

Apeqqu 6:

"Allannguutissat siunnersuut nr. 23: Konto pingarneq 80.00.01 Nuussinissanut sillimmatit:

Sanaartugassat sorlernut atugassiinissaq aningaasallu qanoq amerlatigisut atugassiissutigineqassanersut paasissutissiissutigineqassasoq ataatsimiititaliamit kissaatigineqarpoq. Atugassiinissaq taanna allannguutissat siunnersuutitut 24-mit 32-mut tunggava?"

Akissut:

Piviusunngortitsineq nr. 25-29 aamma 31-32-mi allannguinnissamut siunnersuutitut tunggasuuvoq. Allannguinnissamut siunnersuut nr. 24 aamma 30 missingersuutitigut sunniuteqassanngillat, taamaalillunilu konto pingarneq 80.00.01 Nuussinissamut sillimmatitut tunggasuunatik.

Apequt 7:

"Allannguutissatut siunnersuut nr. 26: Konto pingarneq 84.40.15 Ilinniartut inaannik sanaartorneq:

Nuummi ilinniartut inaannik sanaartornerup killiffia paasissutissiissutigineqassasoq ataatsimiititaliamit kissaatigineqarpoq.

Akissut:

Nalinginnaasumik ilinniartunut ineqarfiliorneq, Nuummi immikkoortoq siulleq pilersaarut malillugu ingerlavoq. Immikkoortup aappaata killiffiani allannguisoqanngilaq (*IA suliap nr. 23-01039*), tassa imaappoq Immikkoortup aappaanik suliariumannittussarsiusseqqinneq ukiut marluk-pingasut qaangiuppata naammassineqartussatut sulii pilersaarutaavoq.

Apequt 8:

"Allannguutissatut siunnersuut nr. 27: Konto pingarneq 86.60.01 Peqqinnissaqarfi: Aningaasaliissutini illoqarfiit sorliit ilaanersut Naalakkersuisunit maannangaaq paasissutissiissutigineqarsinnaava?"

Akissut:

Maannakkut ilisimatitsissutigineqarsinnaavoq avataaneersunik piginnaasanik attartornissamik pisariaqartitsineq Ilulissani aamma Nuummi annersaasoq, Peqqinnissaqarfiup napparsimasunik kiisalu ernisussanik illusimatitsinissaq qulakkeertussaallugu. Pisariaqartitsinerli aamma Sisimiuni Qaqortumilu atuuppoq, illoqarfinnisulli allanisut annertutiginani.

Pingaarpoq erseqqissassallugu napparsimasunut, ernisussanut atorfeqartunullu illusimaffissanik najugaqarfiit suut inassutigineqarnissaasa qulaajarnissaanut peqqinnissaqarfimmik iluarsaasseqqinnissaq apeqqutaammat.

Apequt 9:

"Allannguutissatut siunnersuut nr. 30: Konto pingarneq 87.73.12 Umiarsualivinnut talittarfinnullu aningaasaliissutit

Aningaasaliissutini illoqarfiit sorliit ilaanersut Naalakkersuisunit maannangaaq paasissutissiissutigineqarsinnaava?"

Akissut:

Naalakkersuisut ilisimatitsissutigisinnaavaat suliniummut 'Den Danske Fyrliste' naapertorlugu suliniummut ilaammata Namminersorlutik Oqartussanit pigineqartut umiarsualivinni naaralaartitsiviit. Allattuiffimmi nunami naaralaartitsiviit tamarmik allasimapput kiisalu naaralaartitsiviit ataasiakkaat sumeqqissaaq inissisimanersut. Naaralaartitsiviit allattorsimaffiat ukiut tamaasa naalernerini saqqummiunneqartarpoq, taamaalilluni 2022-mi Naaralaartitsiviit allattorsimaffiat ullumi ullormi eqqornerusumik takutitsisuulluni. Naaralaartitsiviit allattorsimaffiat uani nassaarineqarsinnaavoq: <https://www.soefartsstyrelsen.dk/Media/638090273557711196/Dansk%20Fyrliste%202022.pdf>

Sammissaq 3-mut apeqqutit – Allanguutit aningaasartuuteqafiunerusut:

Oqaaseqaat:

"Allanguutissat siunnersuut nr. 34: Konto pingaarneq 31.03.35 Erninermut aningaasaateqarfik:

Ilanguusaq E, AMAAT-mi siulersuisunit saaffiginnissummut tunngasoq, ataatsimiititaliamitinersuussutigineqarpoq. Saaffiginnissut Naalakkersuisunit isummerfigineqassasoq ataatsimiititaliamit naatsorsuutigineqarpoq. Tamatum kingunerisaanik allanguutissat siunnersuummut nr. 34-mut isummernissani ataatsimiititaliap kinguartippaa."

Akissut:

Saaffiginnissut Naalakkersuisunit tusaatissatut tigineqarpoq aamma siulersuisut peqataasullu allat attuumassuteqartut oqaloqatigalugit tamanna malinnaaffigineqassalluni. Taamaalilluni sulinermit tassani isumaliutigineqartussat pissutsit aningaasaqarnikkullu ajornartorsiutit arlaliupput. Maannakkut aningaasatigut inatsisip suliarinerani ingerlareersumi siulersuisunit siunnersuutigineqartut allanguutissat ilanngunneqarsinnaaneri taamaattumik Naalakkersuisunit naatsorsuutigineqanngillat. Allanguutissat siunnersuut saqqummiunneqartoq taamaattumik allannortinnagu ingerlatiinnarneqassaaq.

Apeqqut 1:

"Allanguutissat siunnersuut nr. 38: Konto pingaarneq 72.26.04 Mittarfeqarfiit: 2024-mi aningaasaliissutaanerisut taama ikinnerutiginerannut suna tunngaviua?"

Akissut:

Mittarfiit A/S-imut aningaasaliissutit ingerlatsinermit isumaqatigiissut malippaat, immikkoortunik marlunnik imaqartoq: immikkoortoq ataaseq, Nuummi mittarfiup nutaap ammarnissaa sioqqullugu, immikkoortorlu ataaseq Nuummi mittarfiup nutaap ammarnerata kingorna. Nuummi mittarfiup ammarneqarneratigut Mittarfiit A/S isertitanik annaasaqassaaq, tassa Nuummi mittarfik Kalaallit Airports International A/S-ip ataaniimmat. Tamanna Mittarfiit A/S-imut ima isumaqassaaq tapiissutinik annertunerisunik pisariaqartitsilernissaa, tamannalu ukiunut missingersuusiorfiusunut ilanngunneqarsimalluni.

Sammasaq 5-imut apeqqutit - Isertitanik aamma inatsimmut tunngasut aningaasartuutit nutaamik missiliorneri

Apeqqut 1:

"Allannguutissatut siunnersuut nr. 47: Konto pingaarneq 24.10.11 Nuna tamakkerlugu immikkut akileraarut:

Aningaasaliissutit 3 mio. kr.-t aammalu akileraartarnermi procentpoint ataatsip 3,8 mio. kr.-nik akileraarutitigut iluanaarutaanissaanik naatsorsuutiginninnerup imminnut ataqatigiinnerat paasissutissiisutigineqassasoq ataatsimiititaliamit kissaatigineqarpoq."

Akissut:

Kisitsisit taakku marluk assigiimmik sammisaqanngillat. Nuna tamakkerlugu immikkut akileraarummit isertitassatut aningaasaliissutit 3 mio. kr.-t taakku siunnersuutigineqarpoq qaffanneqassasut, 2024-mi aningaasaqarneq pillugu missingiut nutaaq aallaavigalugu naatsorsorneqartunik. Missiliuinermi nutaami innuttaasut akornanni nalinginnaasumik isertitat annertunerusut tunngavigineqarput, tamannalu aamma nuna tamakkerlugu immikkut akileraarummiit akileraarutitigut iluanaarutit annertunerusunik kinguneqartussaalluni. Allatut oqaatigalugu akileraarutit akigititit allangortinngikkaluarlugu isertitat annertunerusut pissutigalugit akileraarutitigut tunngavigisat annertusinerinik tamanna pissuteqarpoq.

3,8 mio. kr.-li taakku akerlianik 1 %-pointimik akilaarutit qaffannerat akileraarutitigut iluanaarutit kinguneqarsinnaaneranik kisitsineri assersuummi takorluukkatut missingersuutit ilanngussatut allanneqaannarlutik. Tamanna assersuutaannaavoq ilisimatitsissutigineqartoq taamaalillunilu qulaani eqqaaneqartunut 3 mio. kr.-nut atassuteqarnani. Oqaasertat 3,3 mio. kr.-niit 3,8 mio. kr.-nut allangortinniarneqarneri taamaalilluni isertitanut nalinginnaasumik naatsorsuutigisat qaffannerinik tunngaveqarput.

Apeqqut 2:

"Allannguutissatut siunnersuut nr. 51: Konto pingaarneq 24.11.22 Sulisoqarnermut akitsuut

Erninermi aningaasaateqarfiup atuuffia immikkut eqqarsaatigalugu oqaasertat ilanngunneqartut erseqqinnerusumik itisilerneqarnissaat ataatsimiititaliamit kissaatigineqarpoq."

Akissut:

Missiliuineq nutaaq pineqarpoq, 2024-mut aningaasanut inatsisissatut siunnersuusiornermi piffissami suliarineqartup missingersuutit aallaqqaammut missiliussatut aalajangerneqartunut naleqqiullugu isertitaqarnerunissatut naatsorsuutigineqartut nalinginnaasumik isigineqarput. Konto 24.10.10 Nuna tamakkerlugu akileraarummi isertitanut atalluinnarpoq. Akileraarutit A-niit isertitat qaffappata taava sulisoqarnermut akitsuutit aamma qaffassapput.

Sulisut erninermut atatillugu sulingiffeqarnermut taarsiiffigitinnissamut sulisitsisut namminersortut ikorfartornissaat pillugu politikikkut kissaatigineqarneratigut Inatsisartut inatsisaatigut nr. 9, 19. november 2020-imeersukkut sulisitsisunut namminersortunut akissarsiat 0,2 pct.-imik akitsuusersorneqarnissaat eqqunneqarpoq.

Erninermut aningaasaateqarfik taamaalilluni sulisitsunut namminersortunut akissarsiatigut 0,2 pct.-imik akitsuusersorneqartunut sulisitsunut namminersortunut taamaallaat matussusiivoq.

Apeqqu 3:

"Allannguutissatut siunnersuut nr. 52: Konto pingaarneq 24.11.23 Nukissiornermi ikummatissat avatangiisinut akitsuutaat
Aningaasaliissutit amerleriarnerat immikkut eqqarsaatigalugu oqaasertaliussat ilanngunneqartut erseqqinnerusumik itisilerneqarnissaat ataatsimiititaliamit kissaatigineqarpoq."

Akissut:

Missingiutip qaffannera 2023-mi tunisineq assigalugu ukiuni 2024-2027-mi umiarsuarnut takornariartaatinut orsussamik tuniseqqinnissap naatsorsuutigineranut innersuunneqarsinnaavoq.

Kontomi pingaarnermi isertitat nalinginnaasumik ukiumut 16 mio. kr.-t allanngorpiaratik inissisimasarput. Piffissami 2024-2027-mi ukiumut 4 mio. kr.-nik qummut qaffaanermut pissutaavoq umiarsuarnut takornariartaatinut orsussamut annertunerusumik tunisassaqaarnissamik naatsorsuuteqarneq, niuerfimmi nalimut orsussamik pisisussatut naatsorsuutigineqartut.

Oqaasertaliussanut allannguutissatut siunnersuummut tunngasut apeqqutit

Apeqqut 1:

"Allannguutissatut siunnersuut nr. 57: 72.10.19 Namminersorlutik Oqartussat inissianut immikkoortortaqrarfiinut immikkut ittumik tapiissutit

Missingersuusiornermut malittarisassat 2008-meersut ataatsimiititaliamit innersuussutigineqas-

sapput, tassani ima allassimasoqarpoq:

"Oqaasertaliussaqaarnikkut inatsisioereersumik allannguiq taamaallaat pisinnaavoq

inatsimmik

allannguiq utaqqineqarsinnaanngippat. Ataavartumik nalinginnaasumilluunniit inatsisitigut

allannguiq oqaasertaliussaqaarnikkut ingerlanneqassanngilaq, akerlianilli inatsisip akuersissuti-

gineratigut tamanna pisariaqarluni."

Apeqqut:

Oqaasertaliusaaq qanoq siviutigisumi pisariaqartinneqassanersoq Naalakkersuisut akisinnaavaat?

Akissut:

Siumut sammisumik sulinerup politikikkut sammivilernissaa pillugu arlalinniit isumaqatigiinneq qulakkeerniarlugu 2023/2024-mi ukiup nikinnissaa sioqqullugu inissiaqarfinnut tunngasut pillugit politikikkut isumaqatigiissuteqarnissaaq Naalakkersuisunit anguniarneqarpoq. Isumaqatigiissutip immikkoortualuttortai immikkoortillugit piviusunngortinneqassapput, aningaasaqaarnikkut sinaakkutit taakkulu kingunissai immikkoortut ataasiakkaat pillugit isumaqatiginninniutigineqartussaallutik. Tassani inissiaqarnermut tunngasut aningaasaqarnerat taassumalu oqimaqatigiissinnissaa ilaavoq, taamaalilluni *kontomi pingaarnermi 72.10.19 Namminersorlutik Oqartussat inissianut immikkoortortaqrarfiinut immikkut ittumik tapiissutini* oqaasertaliinissaa pisariaqarunnaarluni. 2025-imut Aningaasanut inatsisissamut siunnersuusiornermi tamatuma qulakkeereerneqarnissaa Naalakkersuisunit sulissutigineqarpoq. Tamatumunnga soorunami tunngavigineqassaaq isumaqatigiissummi immikkualuttut Inatsisartuni inaatsisitigut akuerineqartut piviusunngortinneri.

Apeqqut 2:

"Allannguutissatut siunnersuut nr. 58: Konto pingarneq 73.01.12 Uteritassanik qularnaveeqquisiarnermik aaqqissuussineq:

Missingersuusiornermut malittarisassat 2008-meersut ataatsimiititaliamit innersuussutigineqas-

sapput, tassani ima allassimasoqarpoq:

"Oqaasertaliussaqaarnikkut inatsisioereersumik allannguiq taamaallaat pisinnaavoq inatsimmik

allannguiq utaqqineqarsinnaanngippat. Ataavartumik nalinginnaasumilluunniit inatsisitigut

allannguiq oqaasertaliussaqaarnikkut ingerlanneqassanngilaq, akerlianilli inatsisip akuersissutigineratigut tamanna pisariaqarluni. "

Apeqquut 2.1:

Oqaasertaliussa qanoq sivistigisumi pisariaqartinneqassanersoq Naalakkersuisut akisinnaavaat?"

Akissut:

Nunalerinermut, Imminut Pilersornermut, Nukissiornermut Avatangiisinullu Naalakkersuisoqarfik pisariaqartunik tunngavissanik qulakkeerisussamik inatsimmik nutaamik suliaqarpoq. Inatsisip 2024-mi upernaakkut ataatsimiinnermi siullermeerneqarnissaa naalakkersuisoqarfimmit sulissutigineqarpoq naatsorsuutigineqarlunilu 2024-mi ukiakkut ataatsimiinnermi pingajussaaneerneqassasoq. Taamaattumik naatsorsuutigineqarpoq 2024-mi oqaasertaliinissamut pisariaqartitsisoqassasoq. Tusarniaanermi akissutit tiguneqartut il.il. apeqquutaallutik imaassinnaavoq inatsit aatsaat 2025-mi upernaakkut ataatsimiinnermi pingajussaaneerneqartoq.

Apeqquut 2.2:

Allannguutissatut siunnersuutit, utertitseriaatsip nutaap aningaasanut inatsisissatut siunnersuutip aappassaaneerneqarnissaanut Naalakkersuisut allannguutissatut siunnersuutaani ilaasimatillugit, taakku imarisaasa ataatsimoortumik allaaserineqarnissaanik Naalakkersuisut ataatsimiititaliamit qinnuigineqarput. Aningaasaliissutit aningaasaliinermilu tunngaviit paasiuminarninngorlugit skemanngorlugit takussutissiarineqarnissaat ataatsimiititaliamit kissaatigineqarpoq.

Akissut:

Ataani allassimasuni puiaasanik utertitsisarnermik aaqqissuussineq pillugu ataqatigiissumik allaaserinnittoqassaaq kingornalu aningaasaliissutit aningaasaliissutinullu tunngavigisat skemanngorlugit saqqummiunneqassallutik.

Puiaasanik utertitsisarnermik aaqqissuussinermik ataqatigiissumik allaaserinninneq

Puiaasanik utertitsisarnermik aaqqissuussinermiippat:

- Akitsuummik akileeqqusineq akiliinerlu allaffissornikkullu akitsuut
- Utertitsisarfinnik pilersitsineq
- Niuertarfinni puunik imaqqanngitsunik passussineq
- Misissuisarnek nakkutilliinerlu

Immikkoortuni tulliuuttuni qulaani allassimasut immikkoortut pillugit ataatsimiititaliap allaaserisaanik misissuisoqassaaq.

Pingaarnertigut puiaasanik utertitseriaatsimi sulinissamut nassuiaaneq manna malinneqartussaavoq:

- Akileraartarnermut Aqutsisoqarfik ESANI sinnerlugu niuertarfinniit il.il. akitsuutininik akileeqqussisassaaq, tassa nioqqutissanik tigusisut ataasiakkaat eqqussinermi akitsuutininik imaluunniit poortuutissanik Kalaallit Nunaanni suliarineqartunik akitsuutininik nalunaaruteqarlunilu akiliisassammat.
- Akileraartarnermut Aqutsisoqarfimmut nalunaarutigineqartut saniatigut inuussutissarsiorlutit titarnernut ilisarnaatit sorliit atornerlugit ESANI-imut/utertinneqartunik aqutsisumut nalunaaruteqartassapput, tamatumalu kingorna titarnernut ilisarnaat taanna utertitseriaatsimut nutaamut nutarterlugu

nuunneqassaaq. Taamatut nutarterineq atorlugu atuisoq puiaasamik taaneqartumik utertitsisarfirmut tunniussisinnaassaaq utertinneqartullu akilersillugit. Titarnikkut takussutissatigut poortuutitut eqqussuinerimi imaluunniit tunisassiornermi akilersinneqartunut taamaallaat akiliuteqartoqartassasoq qulakkeerneqassaaq.

- Akileraartarnermut Aqutsisoqarfiup aningaasat akileqquneqartut nuussavai, utertinneqartut aningaasartai aamma aningaasanut inatsit aqutugalugu ESANI-mut allaffissornermut akitsuutit. Aningaasat tassaapput puiaasamut ataatsimut 2 koruunit immikkoortumullu ataatsimut allaffissornikkut akitsuut 60 ørit. Allaffissornermut akitsuut missiliorneqarpoq ingerlaavartumillu iluarsineqarsinnaalluni.
- Taanna atuisumiit utertitamik tigusaqarpat taannalu ESANI-mut imaluunniit KNI - Pilersuisumut tunniunnissaanut piareersareerpagu niuertumut pineqartumut utertitamut aningaasat ESANI-miut akilerneqassaaq.
- Niuertarfiup utertitanik passussineranut akiliutissanik Akileraartarnermut Aqutsisoqarfikkut nalunaarutigineqartut puut amerlassusaat aallaavigalugit immikkoortumut ataatsimut 10-30 ørimik niuertarfirmut ESANI akiliissaaq. KNI - Pilersuisoq nunaqarfinni illoqarfinnilu unammillerfiunngitsuni puunik utertinneqartunik imaqqanngitsunik tigusinerit passussinerillu pillugit puumut ataatsimut qaavatigut ajunngitsorsiasanik tigusaqartassaaq. KNI - Pilersuisoq taamaalilluni 30 ørit tikillugit utertiffigineqartassaaq, tassani ESANI minnerpaamik 30 ørit kingulliit tigummissassallugit.
- KNI - Pilersuisoq sumiiffinni KNI - Pilersuisup pisinarfeqarfiini utertitassat imaqqanngitsut suliarisarnissaannut isumaginnittuuvoq. KNI - Pilersuisoq taamatut passussinermut akilerneqassaaq, taamaalilluni nunaqarfirmut nunami sumiiffinni allaniit akinik qaffasinnerusunik misigisaqqannginnissaat qulakkeerneqarluni.
- Puut utertinneqartut assartornerinut, passunnerinut toqqortarinerinullu ajunngitsorsiasatut immikkoortumut ataatsimut 50-30 ørinik pissarsisassaaq. KNI - Pilersuisoq nunaqarfinni puut imaqqanngitsut suliarisarnissaannut nammineerluni isumaginnittuuvoq. ESANI illoqarfinni nunaqarfinnilu puunik aallertassaaq aamma puut aningaasaqarnikut kaaviiartunut ilaanissaat qulakkiissallugu.

Utertitanik akileeqqusineq akiliisarnerlu

Nunalerinermut, Imminut Pilersornermut, Nukissiornermut Avatangiisinullu Naalakkersuisoqarfik sinnerlugu Akileraartarnermut Aqussisoqarfik utertitanik allaffissornermullu akitsuutinik akileeqqusinerimi ikuiussinnaavoq. Akileraartarnermut Aqussisoqarfiup utertitat allaffissornermullu akitsuutinik akileeqqusinerit ESANI-mut nuussinnaavai. Tamanna 2024-mut Aningaasanut inatsimmi oqaasertaliussanik arlalinnik pisariaqartitsivoq, tamanna Akileraartarnermut Aqussisoqarfiup utertitanik allaffissornermilu akitsuutinik akileeqqusinissamut piginnaatitsissalluni aamma utertitsisarnermik ingerlatsinissamut ESANI-mut tunngavissiilluni.

Akiliineq tassaavoq pissusilersornermi iluarsaassisoq saku puut imaarnerisa kingorna atuisup utertitsineranik qulakkeerisoq. Allaffissornermut akitsuut tassaavoq akitsuut puunik utertinneqarsinnaasunik imalinnik eqqussinerimi imaluunniit Kalaallit Nunaanni puunik utertinneqarsinnaasunik maqitsinerimi inuussutissarsiortup akiligassaa.

Allaffissornermut akitsuut puiaasanik utertitsisarnerup aningaasalersornissaanik qulakkeerissaaq.

Utertitsarnerup ingerlanneqarnissaa 60 ørit missaannik akeqassasoq ESANI-mit missiliorneqarpoq. Taakku 60 ørit puiaasat utertitsisarfimmiit ESANI-mut assartornerinut ESANI-mi allaffissornikkut aningaasartuutitut kiisalu passussisumut 10-30 ørimik ajunngitsorsiassat puunik utertitsisarnermi peqataanermut niuertarfinnut matussutaassallutik. Najugaqarfinni unammillerfiunngitsuni pisiniarfinnut passussinermut ajunngitsorsiassat najugaqarfinni unammillerfiusuni niuertarfinit qaffasinnerussapput. Taamaaliortoqarpoq najugaqarfinni unammillerfiunngitsuni aaqqissuussinerup ilaatinneranut atasut aningaasartuutit qaffasinnerunissaat naliliiffigineqarmat. Allaffissornermut akitsuut tamatumunnga pisariaqartitsisoqalissappat ingerlaavartumik iluarsineqarsinnaassaaq. KNI - Pilersuisoq isorliunerusuni aaqqissuinerit ilaanni peqataasussaammat taakku ajunngitsorsiassaata utertitsinermi 30 øriussasoq paasineqareersimavoq. ESANI sinerissami imatigut angallassineq passussinerlu aningaasalersorsinnaajumallugit immikkoortumut ataatsimut minnerpaamik 30 ørimik pissarsisassaaq.

Qillertuusanut puiaasanilu igalaaminusuni, plastikiusuni, aluminiumusuni imaluunniit saviminiusuni immeqqinneqarsinnaanngitsunut 0,125-4,9 literinik imaqarsinnaasunut aamma immiaaqqanik, imeruusaatinik kulysretalinnik, imeruusaatinut kulysreqanngitsunut, paarmat naatitallu isserinik saftiliassanillu imaqartunut akileeqqusisoqassaaq, tak. *imigassanut puut pillugit Namminersorlutik Oqartussat nalunaarutissaattut* siunnersuut. Puunik eqqussinermi akitsuutip nalunaarutiginerata akilerneqarnera, tak. *eqqussinermi akitsuutit pillugit Inatsisartut inatsisaat nr. 19, 30. oktober 1992-imeersoq* imaluunniit akitsuutit nalunaarutiginerini akilerneqarnerinilu, tak. *Kalaallit Nunaanni sananeqarsimasunik imigassanik ethanolinik akoqartut pillugit Inatsisartut inatsisaat nr. 20, 11. december 2003-meersoq* kingusinnerusukkut allannguuteqarsimasup peqatigaanmik akileeqqusisoqassaaq. Taamaaliornikkut tunisassianut Kalaallit Nunaanni eqqunneqarsimasunut aamma tunisassianut Kalaallit Nunaanni tunisassiarineqarsimasunut puunut allaffissornermilu akitsuummik akileeqqussinnaaneq qulakkeerneqassaaq, taamaalilluni niuertarfinnut il.il. allannguutit annertuujunatik, tassa aaqqissuussineq nutaaq tassani suliarineqassammat suleriaaserlu ullumi ilisimaneqareersoq atorneqarluni.

Puut pillugit nalunaaruteqarnerit akiliinerillu peqatigisaannik poortuutissat ESANI-mi utertitsisarfimmi titarnernik ilisarnaateqartillugit nalunaarsorneqassapput. Titarnernik ilisarnaatinik nalunaarsuinerup qulakkiissavaa puua pillugu akileeqqusiffiusumi tunisassiat pilugit utertitsinermi taamaallaat akiliisarnissaaq qulakkeerniarlugu.

Utertitsisarfinnik pilersitsineq

Niuertut puunik tunniussisinnaanerit periarfissaqartinniarlugu illoqarfinni arlalinni utertitsisarfinnik aningaasaliisoqassasoq aalajangerneqarsimavoq. Utertitsisarfiit taakku atuaasinnaassapput puullu sequmissinnaallugit taamaalilluni assartornissai oqinnerulerluni. Tamatuma saniatigut niuertarfiit puunut akitsuutip ESANI-miit utertinneqarsinnaanerit qulakkeerneqarpoq. ESANI pilersaarpoq Nuup eqqaani illoqarfinnik sullissisinnaasumik Nuummi utertitsisarfinnik anginerusumik ikkussisoqassasoq. Taamatut aaqqiisoqarneratigut nuna ataatsimut naatsorsuutigineqarpoq puiaasanik utertitsisarnermik aaqqiissummik kinguneqarluartumik ikorfartuisinnaassasoq. Sumiiffinni utertitsisarfinnik pisariaqartitsisoqannginneranik naliliiffiusuni, puut annertussusai assaannarmik

passunneqarsinnaasut naatsorsuutigineqartuni imaluunniit niuertarfiit nammineq utertitsisarfinnik atortunik aningaasaleerusunngitsuni, tamatumunnga taarsiullugu puussiatigut aaqqiineq atorneqarsinnaassaaq. Tassani puunik akitsuummik akiliiffiusimasunik puunik niuertarfiit katersisinnaassapput, taakkulu siunertamut sananeqarsimasunut immikkut puulianut inissillugit. Puussiaq ulikkaarpat taanna qilerneqassaaq paarnaarutaalu naqissuserlugu, tassani niuertarfimmu pineqartumut atasumik immikkut normulernerqarluni. Tamatuma kingorna pisiniarfiup puussiap ESANI-p tamaani suleqatigisaanut tunniunneqassaaq puunullu akitsuut pissarsiaralugu. ESANI-p suleqataata puussiaq toqqussavaa Nuummilu utertitsisarfimmu nassiunneqarnissaata tungaanut puumiittut suliarisinnaallugit. Tassani puussiami immikkoortut amerlassusaat kisinneqassapput siusinnerusukkullu akitsuut akilerneqarsimasoq kingorna iluarsineqarluni. Tamanna isumaqarpoq utertitsisarnermik aaqquissuussineq atulersinneqarsinnaasooq, naak sumiiffimmi pineqartumi utertitsisarfeqanngikkaluartoq, imaluunniit piffissap sivikitsup iluani utertitat ESANI-mit aaneqarlutik.

Misissuisarnek nakkutilliinerlu

Nunatsinni puiaasanik utertitsisarnermik nutaamik pilersitsinerlut atallugu niuertarfinnik aamma pisiniarfinni sunik tunisisoqarneranik nakkutiginnittoqarlunilu nakkutilliinermi suliaqartoqassaaq. Peqatigisaanik ESANI-p nakkutiginnissaa pisariaqassaaq, taamaalilluni Akileraartarnermut Aqussisoqarfimmit aqunneqartut aningaasat illersorneqarsinnaasumik akileqqusarneri qulakkeerneqarluni.

Puut pillugit maanna nalunaarummi nalunaarummi malittarisassat malinneqarnissaat kommunalbestyrelsit nakkutigissussaavaat. Tamanna imigassanik puut pillugit nalunaarummi nutaami nanginneqassapput.

Puiaasanik utertitsisarnermik aaqquissuussinermik ESANI-p ingerlatsineranik nakkutilliinerup qulakkeerneqarnissaanut naleqqiullugu Nunalerinerlut, Imminut Pilersornerlut, Nukissiutinut Avatangiisinullu Naalakkersuisoqarfik ESANI-mik isumaqatigiissusiussaaq, tassani puiaasanik utertitsisarnermik aaqquissuussinerlut tunngasunik ESANI-p naatsorsuutaasa ilaanik naalakkersuisoqarfik misissuisinnaalluni. Tamatuma saniatigut aaqquissuussineq pillugu utertinneqartartut procentiini ingerlaavartumik ESANI naatsorsuissaaq, taamaalilluni utertitsisarnermik aaqquissuussineq aamma puunik avatangiisitigut illersorneqarsinnaasumik passunneqarnerinik ikorfartuisinnaalluni. Naatsorsuutigineqarpoq piffissami aallartisarfinni utertinneqartartut procentiat appasinnerussasoq, ukiulli arlaqanngitsut ingerlaneranni utertinneqartartut procentiata 90 pct.-it angusinnaallugit. ESANI-p aamma Akileraartarnermut Aqussisoqarfiup paasisai tunuliaqutaralugit niuertarfinnik misissuisarnerit nakkutilliisarnerillu ingerlannissaasa pisariaqalersut tamanna kommunit suleqatigalugit nammassineqarsinnaassaaq.

Tabel 2: Puiaasanik utertitsisarnermik aaqquissuussinerup nutaap missingersuusiortera

1000 kr.	2024	2025	2026	2027
<u>73.01.12 Puiaasanik utertitsisarnermik aaqquissuussineq</u>				
Utertitsisarfiit	3.500			
Puunut akitsuutit isumannaatsuuneri	3.500			
Ingerlatsinerup isumannaatsuunera ineriartornerlu	3.000			
Katillugit	10.000			

Tabel 2-imi kontomit pingaarnermiit 20.11.70 Sillimmatiniit puiaasanik utertitsisarnermik aaqquissuussinnermut nutaamut sillimmatit qanoq suliniutinut nutaanut piviusunngortinneqarneri allaaserineqarput.

3,5 mio. kr.-nit utertitsisarfissanut nutaanut atorneqassapput. Tassanilu siunertarineqarpoq poortuutissat imaqqanngitsut Nunarput tamakkerlugu suliarisarnissaasa qulakkeernissaat.

3,5 mio. kr.-nit allanngortoqarnerata nalaani utertitsinnermut naatsorsuutini minuseqalinnginnissaata qulakkeernissaanut atorneqassapput. Niuertarfiit 1. januar 2024-miit imeruusaatinik tuniniaanissamut piareeqqanissaat anguniarlugu 2023-p naalernerani imeruusaatinut poortuutissanik namminneerlutik toqqakkaminnik eqqussuisinnaalissapput. Nioqqutissanut taakkununga akiliutissanut imaluunniit allaffissornermut akiliutissanut akiliisitsiniartoqartarnissaa ilimagineqarsinnaanngilaq, tassami tamakku utertitseriaatsip nutaap atuutilersinnera sioqqullugu eqqussuunneqarsimmata. Taamaammallu niuertarfiit 1. januar aallartiffigalugu toqqortaatiminnut killiffilersueqqullugit qinnuigineqassapput, tamatumalu kingorna akiliutigineqartunut allaffissornermullu akiliutigineqartunut utertitsillutik akiluteqassapput kiisalu tunisassiat ataasiakkaat ilisarnaataat utertitsisarfirmut nalunaarsorlugit. Taamatut sulineq ulluni arlalinni imaluunniit sapaatip akunnerini arlalinni ingerlanneqarsinnaasussatut ilimagineqarpoq.

Pisinarfik energidrikinik aalajangersimasumik amerlassusilinnik pisiortorsimappat tamakku tamarmik assigiimmik ilisarnaateqassapput. Ullumikkut energidrikinik tamanik poortuutissalinnik tuniniaasinnaaneq akuerisaavoq. Taamaammatt ulloq 1. januar 2024 kingorna energidrikinik utertitsissutitalinnik atuisup pisinera assigalugu taamatut ilisarnaatitalimmik 1. januar 2024 sioqqullugu akiliissutitaqqanngitsumik pisinissaa periarfissaassaaq. Atortoq ilisarnaatinik taakkuninnga marlunnik immikkoortitsinnaanngilaq, pisisartorlu energidrikimik 1. januar sioqqullugu pisiamik toqqorsisimappat nioqqutissamut utertitsissummik tigusinissaa periarfissaassaaq, tassalu nioqqutissap eqqunnerani siornatigut akiliutigineqartussamut akileeqquneqarsimannisaannartumi. Taamaattoqarmallu akileeqqusissummumut akileeqquneqanngisaannartumut tunniussisoqartarnissaa ulorianaateqariaannaavoq, taamaasillunilu utertitsisarnermut naatsorsuutini minuseqalernissaa anguneqarsinnaassalluni. Taamatut ulorianaateqarneq tunisassianut ullumikkut utertitseriaatsimut ilaangitsunut taamaallaat atuutinneqarpoq, tassami Kalaallit Nunaanni puiaasat immeqqinneqartartut saniatigut poortuutissat allat atorlugit immiaaqqanik sodavandinillu pisinissaq inerteqqutaammatt. Tamanna aningaasarsiornikkut ulorianaateqarpoq ESANI-mut aningaasaqarnikkut tapiinissamik pisariaqartitsiffiulersinnaasoq.

3 mio. kr.-t sinnerini ESANI A/S-ip utertitsisarfirmik nutaamik aallartitsineranut atasumik ingerlatsinnermut amigartooruteqannginnissaa qulakkeerneqassaaq. Puiaasumut ataatsimut 60 øre-mik akiliisitsisoqartassasoq aalajangiunneqarsimavoq, aningaasallu taakku nutaamik utertitsisarfeqalernermi ingerlatsinnermut aningaasartuutininik matussusiissapput. Taamaattorli 2024-p affaani siullermi ESANI A/S-imut aningaasatigut tapiissuteqaqqinnissaaq naatsorsuutigisariaqarpoq. Tamanna ilaatigut puunut akitsuutit nalunaarutigisarnerisa ikorfartornerinut qarasaasiatigut aaqquissuussinerup ineriartortinneranut atuutissaaq.

Apeqquut 2.3:

"Allannguutissatut siunnersuutini utertitseriaatsimut tunngasuni kommunit atuuffiisa immikkut allaaserineqarnissaat ataatsimiititaliamit kissaatigineqarpoq."

Akissut:

Puiaasanik utertitsisarnermik aqqissuussineq nutaap kingunerisaanik ullumikkut kommuninit passunneqartut eqqakkat ilai annertuut puiaasanik utertitsisarnermik aqqissuussinermi nutaami ilaassapput. Kommunini eqqakkat annertussusii taamaattumik annikillissasut naatsorsuutigineqarpoq.

Puiaasanik inerteqqutaasunik tunisisoqannginnissanut kommunit sulii nakkutilliissapput. Tamanna aamma maannakkut puiaasanik utertitsisarnermi atuuppoq.

Ilanngussat

- 1) Puiaasanik utertitsisarnermik aaqqissuussinermi nutaami aningaasaqarneq



Allakkiaq Notat

Uunga
Til Naalakkersuisoqarfiup pisortaa

Assinga uunga
Kopi til

Brevdato: 27-10-2023
Sagsnr. 2023 - 20064
Akt id. 23569074

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Puunik utertitsisarnermi nutaami aningaasaqarnek

Tulliuttuni puunik utertitsisarnermik aqqissuussap nutaap akitsuutitigut sunniutissaatut ilimagineqartut nassuiarneqarput.

Naatsorsukkat Nuuk Imerup maanna tunisartagaasa annertussusaat aamma assingusumik eqqussisoqartalernissaa tunngavissaatillugit suliarineqarput.

Amerlassutsit tulliuttut tunineqartarput:

Suussuaat	Amerlassusaat	Puunut akitsuut (akit atuuttut)
034 25 cl. sodavand	1.594.000 fl	3.188.000 kr.
035 50 cl. Sodavand	12.647.000	44.264.500 kr.
035 33 cl. katillugit	13.731.000	48.058.500 kr.
Katillugit		95.511.000 kr.

Nuuk lmeq aamma immiaaqqanut sodavandinullu tunisaminnut appasinnermik akitsuuteqarput. Tamatuma eqqussinnermi akitsuutit pissusissamissut qaffariarnissaat malitsigissavaa. Puunut utertitanut aningaasartat imaapput:

Puunut akitsuutit

(aamma sodavand immiaaqqanullu akitsuutit)

	Amerlas	Iluanaarutit annertusinerat
034 25 cl. sodavand	1.594.000	3.188.000 kr.
035 50 cl. Sodavand	12.647.000	44.264.500 kr.
035 33 cl. Katil	13.731.000	48.058.500 kr.
Sodavandit ikinnerit imartunerilli	-3.000.000	-10.500.000 kr.
Immiaaqqanut sodavandinullu akitsuutininik annikilliliinnginneq		20.488.000 kr.
AIS2024-mut immikkoortitat		-20.000.000 kr.
<u>Pingajussaaneerinninnermut iluanaarutit annertusinerat.</u>		<u>85.000.000 kr.</u>

Pisiniarfiit tunisamut ataatsimut 60 øremik allaffissornermi akitsuusiiffigineqarput, taanna utertitamut akiliutaagallartumut ilanngullugu akiligassiissutigineqartassaaq. Tamatuma saniatigut puukumik ESANI-mut tunniussinermi pisinarfiit 10-30 ørinik utertitsivigineqartassapput. Taanna ESANI-mi puukut suliarineqarneranni akiliutaasarput. Tamanna pisiniarfinnut nutaamik aningaasartuutaavoq, siusinnerusukkut Nuuk Imerup aningaasartuut nammattarpaa. Aningaasartuut taanna siusinnerusukkut immiaaqqanut sodavandinullu Nuuk Imermit pissarsiat akiinut ilanngunneqareertartoq ilimagineqartariaqarpoq.

Puunut akitsuutip ataatsip 60 ørinik appartinneratigut pisiniarfiit matussusiivigineqarsinnaapput. Tamanna ukiumut 20 mio. kr.-t missaannik akeqassaaq.

Iluanaarutaanerusut

Nuuk Imeq A/S naatsorsuutai ukiuni 2018-2022 ima sinneqartooruteqarfiupput:

Ukioq naatsorsuusiorfik	Kaaviiartitat ilanngaaseereerluni (mio. kr.)	Sinneqartoorutit (mio. kr.)
2018	199,396	32,013
2019	201,401	31,139
2020	209,682	49,496
2021	218,818	56,547
2022	213,702	52,000

Ingerlatseqatigiiffiup kaaviiartitaanut sanilliullugu annertuumik sinneqartooruteqartarnera ilaatigut maannamut puiaasaaqqanik utertittakkanik aaqqissuussinermik ilaatigullu puiaasaaqqanut akitsuummik akiliisannginnermik, tunisassiat allat soorlu saftit akisunerunerannik, taamaalillunilu ingerlatseqatigiiffiup tunisassiaminut qaffasinnerusumik akeqartitsisinaaneranik nassuiarneqarsinnaanera ilimanaateqarpoq.

Nuuk Imerup nioqqutissiaanut taartaasussanut puiaasaaqqanut akitsuut Nuuk Imerup iluanaarutiniq iluaqutigilluarsimasaasa siunissami nunatta karsianut tuttalernissaannut sanilliunneqarsinnaavoq. Iluanaarutaanerusut taamaalillutik akileraarusiisarnermik aaqqissuusseqqinnerup aningaasalersorneranut ilaatinneqarsinnaapput.

Puiaasaaqqanut akitsuut utertitsisarnermik aaqqissuussinnermut nutaamut matussutit saniatigut atorunnaarsinneqarluniluunniit appartinneqarpat, appartitsinerup innuttaasunut toqqaannartumik iluaqutinngortinneqarnissaa qulakkeermeqarsinnaanngilaq. Niuertarfiutillit akitsuutiniq appaassutiniq akinut atuisartunut tunisinerminni nioqqutissanut ilannguttakkaminnik ingerlatitsinissamut pisussaaffeqqanngillat. Tamatumani misilittakkat akitsuutit appartinneqarnerisa akinik appaanermik kinguneqartarnerannut annertuumik nalornissuteqartoqarnera takutippaat.

Aningaasat Nuuk Imerup atorunnaarsinneqarnerani atugassanngortut akileraartarnermik aaqqissuusseqqinnerup aningaasalersorneqarneranut ilaassaneranik imaluunniit niuertarfiutillit akigititaminnik appaanissamik iluanaarutiminnilluunniit qaffaanissamik aalajangiisussanngortinneqassanersut pingaarnertut apeqqutigineqarsinnaavoq. Taamatutaaq immiaaqqat sodavandillu akiinik appaanissaq ilumut kissaatigineqarnerasoq apeqqutigineqarsinnaavoq, tassani nioqqutissanut taakkununga nalinginnaasumik unammilligassat pilersartut ilanngullugit eqqarsaatigissagaanni.